

Erindisbréf fjallskilaneftndar Bolungarvíkurkaupstaðar

1. gr.

Fjallskilaneftnd, sem starfar samkvæmt V. kafla sveitarstjórnarlaga nr. 138/2011 telst til fastaneftnda Bolungarvíkurkaupstaðar. Fjallskilaneftnd fer með málefni fjallskila samkvæmt fjallskilasamþykkt fyrir Ísafjarðarsýslur, lögum um afréttarmálefni, fjallskil ofl. nr. 6/1986 m.s.b, lögum um dýrasjúkdóma og varnir gegn þeim, nr. 25/1993 m.s.b sem og aðrar lagasetningar tengdar málefnninu. Fjallskilaneftnd skal starfa í samræmi við þau lög sem um hana gilda, samþykktir Bolungarvíkurkaupstaðar og erindisbréf þetta.

2. gr.

Erindisbréf þetta byggir að auki á ákvæðum stjórnsýslulaga nr. 37/1993 og eftir atvikum ákvæðum annara laga og reglugerða sem ná til málaflokka fjallskila. Fjallskilaneftnd skal við undirbúning mála og stjórnvaldsákvarðana gæta þess að farið sé að stjórnsýslulögum og reglum um vandaða stjórnsýslu.

Ef það er misræmi milli efnis erindisbréfs, annars vegar, og laga, reglna og samþykktar Bolungarvíkurkaupstaðar, hins vegar, skulu hinar síðarneftndu reglur gilda.

3. gr.

Fjallskilaneftnd Bolungarvíkurkaupstaðar er kosin af bæjarstjórn Bolungarvíkurkaupstaðar. Fjallskilaneftnd er skipuð þremur fulltrúum og jafn mörgum til vara í samræmi við 46. Gr. B3 samþykktar um stjórn Bolungarvíkurkaupstaðar. Bæjarstjórn kýs formann fjallskilaneftndar.

4. gr.

Bæjarstjóri er starfsmaður ráðsins. Hann undirbýr og boðar fundi ráðsins í samráði við formann. Hann ber ábyrgð á að samþykktum og ákvörðunum ráðsins sé hrint í framkvæmd. Bæjarstjóri og/eða staðgengill hans situr fundi og hefur þar málfrelsi og tillögurétt.

5. gr.

Fjallskilaneftnd hefur yfirumsjón með málefnum fjallskila í Bolungarvíkurkaupstað. Fjallskilaneftnd vinnur að markmiðum sínum með stefnumótandi samþykktum og ákvörðunum sem taka mið af samþykkttri stefnu ráðsins og bæjarstjórnar í málefnum fjallskila.

Bæjarráð úthlutar fjárhagsramma til ráðsins vegna fjárhagsáætlunar fyrir hvert starfsár.

6. gr.

Hlutverk fjallskilaneftndar er:

- að hafa yfirumsjón með fjallskilamálum í Bolungarvíkurkaupstað
- að framfylgja ákvæðum fjallskilasamþykktar fyrir Ísafjarðarsýslu,
- að fylgjast með að reglum um rekstur til afrétta sé framfylgt sbr. III. kafla laga um afréttamálefni, fjallskil o.fl. nr. 6/1986 en hann fjallar um verndun beitolands og ítölu.
- Að ákveða og auglýsa gangnadaga og skipuleggja leitir,
- Að fylgjast með ástandi rétta og viðhaldspörf þeirra,
- að fylgjast með ástandi afrétta og heimalanda í samráði við gróðurverndarnefnd og Landgræðslu ríkisins skv. 15. gr. laga um afréttamálefni, fjallskil o.fl. nr. 6/1986
- að leggja fram tillögur að aðgerðum til að bæta meðferð afrétta og til verndar gróðri ef þörf er talin á sbr. 16 – 19. gr. fyrrnefndra laga.
- Að fylgjast með ástandi bæjargirðingar og viðhaldspörf hennar.

7. gr.

Fulltrúa er skylt að sækja alla fundi nema um lögmæt forföll sé að ræða, svo sem önnur brýn skyldustörf eða veikindi. Geti fulltrúi ekki sótt fund skal hann boða varamann í sinn stað.

Fundir skulu haldnir að minnsta kosti tvisvar á ári eða oftar ef þurfa þykir. Formaður ráðsins hefur vald til að taka ákvörðun um að fella niður fund ef hún byggir á málefnalegum ástæðum. Til fundar telst löglega boðað hafi allir atkvæðisbærir fulltrúar eða/og varamenn í forföllum aðalmanna svo aðrir sem seturétt eiga á fundinum, verið boðaðir með að minnsta kosti tveggja sólarhringa fyrirvara með skriflegri dagskrá.

Komi upp mál sem krefst skjótrar úrlausnar ráðsins getur fyrirvari um boðun verið skemmri. Heimilt er að taka mál til meðferðar í ráðinu þótt það sé ekki tilgreint í dagskrá en það skal tilkynna í upphafi fundar. Þó er skylt að fresta afgreiðslu slíks máls ef einhver ráðsmanna óskar þess.

Fundur er lögmætur ef löglega er til hans boðað og meira en helmingur atkvæðisbærra fulltrúa er mættur á fundinn. Ráðið getur enga bindandi ályktun gert nema fundur sé lögmætur.

8. gr.

Um fundarsköp og málsmeðferð í Fjallskilaneftnd fer eftir sem við á samkvæmt III. kafla samþykktar um stjórn Bolungarvíkur.

Formaður ráðsins stýrir fundum þess. Fundir ráðsins skulu jafnan haldnir fyrir luktum dyrum. Ráðið getur boðið á sinn fund einstaka starfsmenn bæjarins sem og aðra til viðræðna um einstaka mál.

Fulltrúar skulu gæta trúnaðar um það sem þeir verða áskynja í starfi ráðsins og leynt á að fara samkvæmt lögum eða eðli máls. Þagnarskylda helst þó látið sé af þessum störfum. Ákvæði þetta á einnig við um aðra fundarmenn.

Fjallskilaneftnd skal á fundum sínum taka fyrir þau erindi sem berast, fjalla um þau og gera tillögur um afgreiðslu þeirra hjá umhverfismálaráði. Á fundum er mál afgreitt með því að

samþykkja það eða fella, vísa því frá eða vísa því til afgreiðslu umhverfismálaráðs, bæjarráðs, eða til bæjarstjóra.

Fjallskilanefnd er heimilt að fresta afgreiðslu máls nema um sé að ræða mál sem að lögum ber að afgreiða fyrir tiltekinn tíma. Ráðið getur vísað málum til umsagnar annara nefnda, ráða eða annara aðila.

Fulltrúi á rétt á að fá bókaða stutta athugasemd um afstöðu sína til máls, sem til meðferðar er í ráðinu. Fjallskilanefnd kemur ákvörðunum sínum og stefnumótun í framkvæmd með formlegum samþykktum á lögmætum fundum. Formaður eða aðrir fulltrúar fjallskilanefndar skulu snúa sér til bæjarstjóra með eftirfylgni staðfesta samþykktaráðsins.

9. gr.

Ráðið skal halda fundargerðabók og ritari skal færa fundargerð í fundargerðabók. Um ritun fundargerðar gilda sömu reglur og um ritun fundargerða bæjarstjórnar, sbr. 16. gr. samþykktar um stjórn Bolungarvíkur.

Fundargerðir fjallskilanefndar þarfnast umræðu í umhverfismálaráði sem og staðfestingar bæjarstjórnar Bolungarvíkur til að teljast gildar. Fundargerðir ráðsins skulu teknar á dagskrá bæði umhverfismálaráðs og bæjarstjórnar og skal það gert svo fljótt sem unnt er að afloknum fundi. Ef fundargerðir innihalda ekki ályktanir eða tillögur sem þarfnast sérstakrar staðfestingar bæjarstjórnar eru fundargerðir lagðar fram til kynningar.

10. gr.

Fjallskilanefnd skal í allri sinni ákvarðanatöku hafa hagsmuni allra íbúa að leiðarljósi. Það leggur þær skyldur á fulltrúa í ráðinu að setja ávallt almannahagsmuni ofar sérhagsmunum, hvort heldur sínum eigin eða einstakra hópa er þeir tengjast eða tilheyra.

Fulltrúi hefur ekki atkvæðisrétt um mál sem varða hann sjálfan eða náð skyldmenni hans og skal hann í slíkum tilvikum víkja af fundi. Um hæfi fulltrúa og starfsmanna fjallskilanefndar er vísað til 20. gr. sveitarstjórnarlaga nr. 138/2011, sbr. II. kafla stjórnsýslulaga nr. 37/1993 og 17. gr. samþykktar um stjórn Bolungarvíkurkaupstaðar.

11. gr.

Fjallskilanefnd heyrir undir umhverfismálaráð. Fundargerðir fjallskilanefndar skulu lagðar fyrir umhverfismálaráð áður en þær fá fullnaðarafgreiðslu í bæjarstjórn.

12. gr.

Erindisbréf þetta hefur verið samþykkt í bæjarstjórn Bolungarvíkur og tekur gildi þann

10. desember 2024.